



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎՃՌԱԲԵԿ ԴԱՏԱՐԱՆԻ ՔՐԵԱԿԱՆ ՊԱԼԱՏԻ ՆԱԽԱԳԱՀ**

**Ո Ր Ո Շ ՈՒ Մ
ՎԱՐՈՒՅԹԻ ԸՆԴԴԱՏՈՒԹՅԱՆ ՀԱՐՑԸ ԼՈՒԾԵԼՈՒ ՄԱՍԻՆ**

20 մարտի 2023 թվական

ք.Երևան

Ուսումնասիրելով թիվ ՄԴ3/0088/01/22 քրեական վարույթի ընդդատության հարցը լուծելու համար Վճռաբեկ դատարանի քրեական պալատի նախագահին դիմելու մասին Լոռու մարզի առաջին ատյանի ընդհանուր իրավասության դատարանի՝ 2023 թվականի մարտի 3-ի որոշումը,

Պ Ա Ր Զ Ե Ց Ի

Գործի դատավարական նախապատմությունը.

1. 2022 թվականի հուլիսի 19-ին Սյունիքի մարզի առաջին ատյանի ընդհանուր իրավասության դատարանում ստացվել է թիվ ՄԴ3/0088/01/22 քրեական վարույթն ըստ մեղադրանքի՝ Էրիկ Արարատի Ավետյանի՝ 2003 թվականի ապրիլի 18-ին ընդունված ՀՀ քրեական օրենսգրքի (այսուհետ՝ ՀՀ քրեական օրենսգիրք) 361-րդ հոդվածի 7-րդ մասով, և 2022 թվականի հուլիսի 26-ին որոշում է կայացվել քրեական գործի վարույթն ստանձնելու և նախնական դատալսումներ նշանակելու մասին:

Սյունիքի մարզի առաջին ատյանի ընդհանուր իրավասության դատարանը 2022 թվականի հոկտեմբերի 17-ին որոշում է կայացրել թիվ ՄԴ3/0088/01/22

քրեական վարույթն ըստ ընդդատության Լոռու մարզի առաջին ատյանի ընդհանուր իրավասության դատարան ուղարկելու մասին:

2. Լոռու մարզի առաջին ատյանի ընդհանուր իրավասության դատարանը, 2023 թվականի մարտի 3-ի որոշմամբ, գործի ընդդատության վերաբերյալ հարցը լուծելու համար դիմել է Վճռաբեկ դատարանի քրեական պալատի նախագահին:

3. Թիվ ՍԴ3/0088/01/22 քրեական վարույթը Վճռաբեկ դատարանում ստացվել է 2023 թվականի մարտի 13-ին:

Ընդդատության վերաբերյալ վեճի լուծման համար էական նշանակություն ունեցող փաստական հանգամանքները.

4. 2022 թվականի մայիսի 24-ին Էրիկ Ավետյանը ներգրավվել է որպես մեղադրյալ և նրան մեղադրանք է առաջադրվել ՀՀ քրեական օրենսգրքի 361-րդ հոդվածի 7-րդ մասով՝ այն բանի համար, որ *«նա հանդիսանալով ՊԲ 49971 զորամասի 3-րդ հրաձգային գումարտակի 7-րդ հրաձգային վաշտի ապահովման ջոկի վարորդ, պարտադիր ժամկետային զինծառայող, կոչումով շարքային, նույն զորամասի հրամանատարի թիվ 012 հրամանով 2020 թվականի դեկտեմբերի 15-ից մինչև դեկտեմբերի 21-ը գտնվելով արձակուրդում և պարտավոր լինելով դեկտեմբերի 21-ին ժամը 18:00-ին ներկայանալ ծառայության վայր՝ ՊԲ 49971 զորամաս, 2020 թվականի սեպտեմբերի 27-ից ՀՀ-ում և ԱՀ-ում հայտարարված ռազմական դրության ժամանակ, առանց հարգելի պարճառների չի ներկայացել, իսկ 2021 թվականի հունվարի 18-ին՝ ժամը 15:00-ին ինքնակամ ներկայացել է ՀՀ ՊՆ ՌՈ՝ դրանով իսկ ծառայությունից բացակայելով երեք օրից ավելի, բայց մեկ ամսից ոչ ավելի րկողությամբ»¹:*

5. Սյունիքի մարզի առաջին ատյանի ընդհանուր իրավասության դատարանը 2022 թվականի հոկտեմբերի 17-ի որոշմամբ արձանագրել է. *«(...) Նշված հանցագործությունը համարվում է րկող հանցագործություն և դրա կատարման րևականությունը պայմանավորվում է զինծառայողի կողմից իր վրա դրված պարտականության՝ զորամասում կամ ծառայության վայրում գտնվելու կամ*

¹ Տե՛ս քրեական գործ, հատոր 1, թերթեր 208-209:

սահմանված ժամկետում գորամաս կամ ծառայության վայր վերադառնալու պարտավորության չկատարմամբ:

Սույն քրեական գործի մեղադրական եզրակացությունից դիտվում է, որ Էրիկ Արարարի Ավելյանը ծառայության նշանակված լինելով ՊԲ 49971 զորամասում և գրնվելով արձակուրդում ու պարտավոր լինելով 2020 թվականի դեկտեմբերի 21-ին ժամը 18:00-ին ներկայանալ ՊԲ 49971 զորամաս, 2021 թվականի հունվարի 18-ին ժամը 15:00-ին ինքնակամ ներկայացել է ՀՀ ՊՆ ՌՈ: Այսինքն՝ Է.Ավելյանի ենթադրյալ հանցանքի կատարումը ըստ առաջադրված մեղադրանքի սկսվել է 2020 թվականի դեկտեմբերի 21-ին ժամը 18:00-ին և ավարտվել է 2021 թվականի հունվարի 18-ին ժամը 15:00-ին ՀՀ ՊՆ ռազմական ուսրիկանություն /ՀՀ քաղաք Վանաձոր, տե՛ս գ.թ. 3/ ինքնակամ ներկայանալով, որպիսի հանգամանքը ՀՀ քրեական դատավարության օրենսգրքի 261-րդ հոդվածի իրավակարգավորումների շրջանակում նշանակում է, որ սույն գործն ընդդարյա է ՀՀ Լոռու մարզի առաջին ատյանի ընդհանուր իրավասության դատարանին: (...)»²:

6. Լոռու մարզի առաջին ատյանի ընդհանուր իրավասության դատարանի՝ 2023 թվականի մարտի 3-ի որոշման համաձայն՝ «(...) Դատարանը գրնում է, որ Է.Ավելյանին վերագրվող հանցագործության օբյեկտ է հանդիսանում զինվորական ծառայության անցնելու կարգը, որը սահմանվում է օրենքներով, զինվորական կանոնադրքերով և կանոնադրություններով: Զորամասի մարտական պարտավորության ապահովման համար կարևոր է, որ զինծառայողը միշտ գրնվի ծառայության վայրում, կարարի պետի հրամանը, հանդիսանա ռազմաիրավական հարաբերությունների սուբյեկտ:

ՊԲ 49971 զորամասը գրնվում է Սյունիքի մարզի դատարանի դատական տարածքում՝ Արցախի Հանրապետությունում, որով պայմանավորված նշված տարածքի քննչական մարմինների կողմից իրականացվել է նախաքննություն և մեղադրական եզրակացությունը կազմվել է 27.06.2022 թվականին նույն մարմինների կողմից Մարտակերտ քաղաքում:

Է.Ավելյանին վերագրվող հանցագործության դեպքի վայր է հանդիսանում Մարտակերտում տեղակայված ՊԲ 49971 զորամասը և ենթադրյալ

² Տե՛ս քրեական գործ, հատոր 2, թերթեր 27-28:

հանցագործության կատարումն ըստ գործի նյութերի սկսվել է նշված զորամասից բացակայելու օրինական հիմքերն ավարտելուց հետո նշված զորամաս չվերադառնալու օրվանից՝ 2020 թվականի դեկտեմբերի 21-ի ժամը 18:00-ից և ավարտվել է 2021 թվականի հունվարի 18-ին, ժամը 15:00-ին, երբ նա ինքնակամ ներկայացել է ՀՀ ՊՆ ՌՌ, գտնվել է ռազմական կառույցների տրամադրության տակ և այդ պահից սկսած հնարավորություն է առաջացել համապատասխան ծառայությունների միջոցով ներկայացնել ծառայության վայր՝ ՊԲ 49971 զորամաս:

Նույնաման իրավիճակ կարող էր լինել նաև այն պարագայում, եթե Է.Ավերյանը հայտնաբերվեր կամ ինքնակամ ներկայանար որևէ այլ պետության իրավապահ մարմիններ:

Այս պարագայում ևս գործն ընդդատյա կլիներ Սյունիքի մարզի առաջին ատյանի ընդհանուր իրավասության դատարանին, այն հիմնավորմամբ, որ վերագրվող հանցագործության դեպքի վայրը՝ թիվ 49971 զորամասը, գտնվում է նշված դատարանի դատական տարածքում: Հանցագործության սկիզբ պետք է հաշվել ծառայությունից բացակայելու օրինական հիմքերի ավարտվելու օրվանից՝ 2020 թվականի դեկտեմբերի 21-ի ժամը 18:00-ից մինչև ռազմական իշխանությունների տրամադրության տակ հայտնվելը՝ 2021 թվականի հունվարի 18-ի ժամը 15:00-ն՝ անկախ նրա գտնվելու աշխարհագրական վայրից: (...)»³:

Վճռաբեկ դատարանի քրեական պալատի նախագահի պատճառարանությունները և եզրահանգումը.

7. Սույն գործով բարձրացված իրավական հարցը հետևյալն է. հիմնավոր՞ է արդյոք Լոռու մարզի առաջին ատյանի ընդհանուր իրավասության դատարանի հետևությունն այն մասին, որ թիվ ՍԴ3/0088/01/22 քրեական վարույթն ընդդատյա է Սյունիքի մարզի առաջին ատյանի ընդհանուր իրավասության դատարանին:

8. ՀՀ Սահմանադրության 63-րդ հոդվածի 1-ին մասի համաձայն՝ «Յուրաքանչյուր ոք ունի անկախ և անաչառ դատարանի կողմից իր գործի արդարացի, հրապարակային և ողջամիտ ժամկետում քննության իրավունք»:

³ Տե՛ս քրեական գործ, հատոր 3, թերթեր 53-55:

9. «Մարդու իրավունքների և հիմնարար ազատությունների պաշտպանության մասին» եվրոպական կոնվենցիայի 6-րդ հոդվածի 1-ին մասի համաձայն՝ «Յուրաքանչյուր ոք, (...) նրան ներկայացված ցանկացած քրեական մեղադրանքի առնչությամբ, ունի օրենքի հիման վրա սրեղծված անկախ ու անաչառ դատարանի կողմից ողջամիտ ժամկետում արդարացի և հրապարակային դատաքննության իրավունք»:

Մարդու իրավունքների եվրոպական դատարանը, «օրենքի հիման վրա սրեղծված դատարան» հասկացությունը մեկնաբանելիս նշել է. «Այն երկրներում, որտեղ օրենքը կողիֆիկացված է, դատական համակարգի կազմակերպումը չի կարող թողնվել դատական մարմինների հայեցողությանը, սակայն դա չի նշանակում, որ դատարաններն օժտված չեն համապատասխան ազգային օրենսդրությունը մեկնաբանելու որոշակի ազատությամբ»⁴:

10. Միևնույն ժամանակ, դատական մատչելիության իրավունքի համատեքստում Մարդու իրավունքների եվրոպական դատարանը նշել է, որ «Ներպետական դատական արյանները դատավարական կանոնները կիրառելիս պետք է ձեռնպահ մնան դրանց չափազանցված ձևականացումից, որն իր ազդեցությունը կունենա դատավարության արդարացիության վրա»⁵:

11. Վճռաբեկ դատարանը *Գևորգ Հարությունյանի* գործով իրավական դիրքորոշում է ձևավորել այն մասին, որ «(...) Գործերի պարշաճ ընդդատությունը, որպես արդար դատաքննության անհրաժեշտ բաղկացուցիչ, հիմնարար իրավական արժեք է: Դրա հիմնարար բնույթը բխում է արդար դատաքննության ինստիտուցիոնալ փարրից՝ անկախ, անկողմնակալ, իրավասու և օրենքի հիման վրա սրեղծված դատարան ապահովելու պետության պոզիտիվ պարտականությունից: Իսկ այդ պարտականությունն իր հերթին, ըստ էության, ամրագրված է Հայաստանի Հանրապետության իրավական համակարգում բարձրագույն իրավաբանական ուժ ունեցող այնպիսի նորմատիվ ակտերում, ինչպիսիք են ՀՀ Սահմանադրությունը (19-րդ հոդված), Քաղաքացիական և

⁴ Տե՛ս Մարդու իրավունքների եվրոպական դատարանի՝ *Gorgiladze v. Georgia* գործով 2009 թվականի հոկտեմբերի 20-ի վճիռը, գանգատ թիվ 4313/03, 69-րդ կետ:

⁵ Տե՛ս Մարդու իրավունքների եվրոպական դատարանի՝ *Walchli v. France* գործով 2007 թվականի հուլիսի 26-ի վճիռը, գանգատ թիվ 35787/03, 29-րդ կետ:

քաղաքական իրավունքների մասին միջազգային դաշնագիրը (14-րդ հոդված) և «Մարդու իրավունքների և հիմնարար ազատությունների պաշտպանության մասին» եվրոպական կոնվենցիան (6-րդ հոդված): (...)

Պատշաճ ընդդատության հիմնարար իրավական նշանակությունն այն է, որ յուրաքանչյուր կոնկրետ քրեական գործը քննող դատարանի որոշման հստակ կանոնների առկայությունը և դրանց կանխարեսելի գործադրումն անհրաժեշտ պայման են կողմնակի դիտորդի մոտ այնպիսի համոզմունք ձևավորելու համար, որ տվյալ կոնկրետ քրեական գործը քննող դատարանը և դատավորը նախատրամադրվածություն չունեն, և տվյալ գործը վարույթ ընդունելիս սուբյեկտիվիզմն ու կամայականությունը բացառված են եղել:

Այսպիսով, քրեական գործերի ընդդատության որոշման հստակ, կամայականությունը բացառող կանոնների առկայությունը և գործադրումը պարտադիր նախապայման են արդարադատության մատչելիության պատշաճ երաշխավորման համար (...)⁶:

12. ՀՀ քրեական դատավարության օրենսգրքի 261-րդ հոդվածի 1-ին մասի համաձայն՝ «1. Առաջին ատյանի ընդհանուր իրավասության դատարանին ընդդատյա են այն վարույթները, որոնք վերաբերում են այդ դատարանի դատական տարածքում ենթադրաբար կատարված հանցանքներին՝ անկախ քննչական ենթակայության կանոններից: (...)»:

12.1. ՀՀ քրեական օրենսգրքի 361-րդ հոդվածի համաձայն՝ «1. Երեք օրից ավելի, բայց մեկ ամսից ոչ ավելի տևողությամբ, ինչպես նաև երեք ամսվա ընթացքում երեք և ավելի անգամ մեկ ժամից մինչև երեք օր տևողությամբ զինծառայողի կողմից զորամասը կամ ծառայության վայրն ինքնակամ թողնելը կամ առանց հարգելի պարճառների ժամանակին ծառայության չներկայանալը (...):

7. Սույն հոդվածով նախատեսված արարքները, որոնք կատարվել են ռազմական դրության, պատերազմի ժամանակ կամ մարտի պարագաներում (...):»:

13. Տարածքային ընդդատությունը սահմանող՝ ՀՀ քրեական դատավարության օրենսգրքի կարգավորումներից հետևում է, որ որպես քրեական գործերի

⁶ Տե՛ս Վճռաբեկ դատարանի՝ Գևորգ Հարությունյանի գործով 2011 թվականի հուլիսի 13-ի թիվ ԵԿԴ/0211/01/10 որոշումը, կետեր 15-16:

դատական տարածքը որոշելու հիմնական կողմնորոշիչ պայման հանդես է գալիս **հանցանքի կատարման վայրը:**

ՀՀ քրեական օրենսգրքի 361-րդ հոդվածով ամրագրված հանցակազմի օբյեկտիվ կողմն արտահայտվում է զինծառայողի կողմից զորամասը կամ ծառայության վայրն ինքնական թողնելով կամ առանց հարգելի պատճառների ժամանակին ծառայության չներկայանալով: Վերոնշյալ հանցագործությունը հանդիսանում է տևող և ավարտված է համարվում արարքի դադարման պահից, որը կարող է պայմանավորված լինել ինչպես հանցավորի գործողություններով (օրինակ՝ մեղայականով ներկայանալով), այնպես էլ նրանից անկախ հանգամանքներով (օրինակ՝ իրավապահ մարմինների միջամտությամբ և այլն):

14. Սույն գործի նյութերի և Է.Ավետյանին առաջադրված մեղադրանքի ուսումնասիրությունից հետևում է, որ՝

- Է.Ավետյանը, հանդիսանալով պարտադիր ժամկետային զինծառայող, 2020 թվականի դեկտեմբերի 15-ից մինչև դեկտեմբերի 21-ը գտնվելով արձակուրդում և պարտավոր լինելով դեկտեմբերի 21-ին ներկայանալ ծառայության վայր՝ 2020 թվականի սեպտեմբերի 27-ից Հայաստանի Հանրապետությունում և Արցախի Հանրապետությունում հայտարարված ռազմական դրության ժամանակ, չի ներկայացել ծառայության, իսկ 2021 թվականի հունվարի 18-ին ինքնական ներկայացել է ՀՀ ՊՆ ռազմական ոստիկանություն՝ դրանով իսկ ծառայությունից բացակայելով երեք օրից ավելի, բայց մեկ ամսից ոչ ավելի տևողությամբ⁷:

- Ինքնական ներկայանալու մասին 2021 թվականի հունվարի 18-ի արձանագրության համաձայն՝ Է.Ավետյանն ինքնական ներկայացել է Վանաձոր քաղաքում գտնվող ՀՀ ՊՆ ռազմական ոստիկանության Վանաձորի բաժին⁸:

- Սյունիքի մարզի առաջին ատյանի ընդհանուր իրավասության դատարանը 2022 թվականի հոկտեմբերի 17-ին որոշում է կայացրել քրեական գործն ըստ ընդդատության Լոռու մարզի առաջին ատյանի ընդհանուր իրավասության դատարան փոխանցելու մասին՝ հիմքում դնելով այն, որ քրեական օրենքով

⁷ Տե՛ս սույն որոշման 4-րդ կետը:

⁸ Տե՛ս քրեական գործ, հատոր 1, թերթ 3:

չթույլատրված արարքն ավարտվել է 2021 թվականի հունվարի 18-ին Է.Ավետյանի՝ ՀՀ ՊՆ ռազմական ոստիկանություն ինքնակամ ներկայանալով⁹:

- Լոռու մարզի առաջին ատյանի ընդհանուր իրավասության դատարանը գտել է, որ թիվ ՍԴ3/0088/01/22 քրեական վարույթն ընդդատյա չէ իրեն, պատճառաբանելով, որ Է.Ավետյանին վերագրվող հանցագործության դեպքի վայր է հանդիսանում Մարտակերտում տեղակայված ՊԲ 49971 զորամասը, և ենթադրյալ հանցագործության կատարումը, ըստ գործի նյութերի, սկսվել է նշված զորամասից բացակայելու օրինական հիմքերն ավարտելուց հետո զորամաս չվերադառնալու օրվանից՝ 2020 թվականի դեկտեմբերի 21-ի ժամը 18:00-ից, և ավարտվել է 2021 թվականի հունվարի 18-ին ժամը 15:00-ին, երբ վերջինս ինքնակամ ներկայացել է ՀՀ ՊՆ ռազմական ոստիկանություն¹⁰:

15. Նախորդ կետում մեջբերված փաստական հանգամանքները գնահատելով սույն որոշման 8-13-րդ կետերում վկայակոչված իրավադրույթների և արտահայտված իրավական դիրքորոշումների լույսի ներքո՝ պետք է փաստել, որ Է.Ավետյանին մեղսագրված ենթադրյալ հանցավոր արարքը՝ որպես տևող հանցագործություն, ավարտվել է 2021 թվականի հունվարի 18-ին՝ այն ժամանակ, երբ մեղադրյալը ինքնակամ ներկայացել է ՀՀ ՊՆ ռազմական ոստիկանության Վանաձորի բաժին: Հետևաբար, Է.Ավետյանին մեղսագրված՝ ՀՀ քրեական օրենսգրքի 361-րդ հոդվածի 7-րդ մասով նախատեսված տևող ենթադրյալ հանցագործությունն ավարտվել է Լոռու մարզի առաջին ատյանի ընդհանուր իրավասության դատարանի դատական տարածքում:

Այսպիսով, հիմք ընդունելով վերոշարադրյալը, գտնում եմ, որ Լոռու մարզի առաջին ատյանի ընդհանուր իրավասության դատարանի հետևությունն այն մասին, որ թիվ ՍԴ3/0088/01/22 քրեական վարույթն ընդդատյա է Սյունիքի մարզի առաջին ատյանի ընդհանուր իրավասության դատարանին, հիմնավոր չէ:

16. Վերոգրյալի հիման վրա և ղեկավարվելով ՀՀ քրեական դատավարության օրենսգրքի 263-րդ հոդվածի 6-րդ մասով՝

⁹ Տե՛ս սույն որոշման 5-րդ կետը:

¹⁰ Տե՛ս սույն որոշման 6-րդ կետը:

Ո Ր Ո Շ Ե Ց Ի

Թիվ ՍԴ3/0088/01/22 քրեական վարույթն ըստ մեղադրանքի՝ Էրիկ Արարատի Ավետյանի՝ ՀՀ քրեական օրենսգրքի 361-րդ հոդվածի 7-րդ մասով, ընդդատյա է Լոռու մարզի առաջին ատյանի ընդհանուր իրավասության դատարանին:

ՀԱՄԼԵՏ ԱՍԱՏՐՅԱՆ